

3 января, предпраздн РХ, святитель Петр Московский
ПОЛИЕЛЕЙНАЯ УТРЕНЯ

«Бог Господь»

Тропарь предпразднства Рождества Христова

Глас 4: Готóвися, Вифлеэме,/ отвéрзися всем, Едэме,/ красúйся,
Евфрафо,/ я́ко древо животá в вертепе процветé от Дэвы:/ рай бо
Оноя чрэво яв́ися мýсленный,/ в нёмже Божéственный сад,/ от не-
гóже я́дше, жи́ви б́удем,/ не я́коже Ада́м у́мрем.// Христóс ражда́ет-
ся прэ́жде па́дший возста́вити о́браз. *(Дважды)*

Сла́ва Отцу́, и Сы́ну, и Свято́му Ду́ху.

Тропарь свт. Петра, митрополита Московскаго, глас 4

Я́же прэ́жде беспло́дная, землэ́, ны́не весел́ися:/ се бо Христóс све-
ти́льника в тебе́ показá,/ я́ве сия́юща в ми́ре/ и исцелéвающа не-
дúги и болéзни на́ша./ Сего́ ра́ди ликúй и весел́ися со дерзновéни-
ем:/ святíteль бо есть Вы́шняго,// сия́ соделóваяй.

и ны́не, и пр́сно, и во вéки векóв. Ами́нь.

Тропарь предпразднства Рождества Христова, глас 4

Готóвися, Вифлеэме,/ отвéрзися всем, Едэме,/ красúйся, Евфрафо,
я́ко древо животá в вертепе процветé от Дэвы:/ рай бо Оноя чрэво
яв́ися мýсленный,/ в нёмже Божéственный сад,/ от негóже я́дше,
жи́ви б́удем,/ не я́коже Ада́м у́мрем.// Христóс ражда́ется прэ́жде
па́дший возста́вити о́браз.

Величание

Лик: Велича́ем тя,/ святителю́ о́тче Петре,/ и чтим святую́ па́мьть твою́:/ ты бо мо́лиши за нас// Христа́, Бо́га на́шего.

Стихиры по 50 псалме

Глас 6: Егда́ преставле́ние честна́го твоего́ те́ла, о́тче, приспе́,/ тогда́ мно́жество ве́рных, обступивше одр,/ уми́льно провожда́ху тя./ И ов бо зря́ тя, благословля́юща лю́ди, удивля́шеся,/ князь же Ио́анн со слеза́ми вопия́ше:/ о влады́ко,/ что ти возда́м проти́ву твоего́ благодея́ния,/ е́же нам дарова́л еси́, прие́м от Бо́га благода́ть?/ Те́мже, святителю́ Пе́тре,/ моли́ся приле́жно Христу́ Бо́гу на́шему// спасти́ся невоева́ну гра́ду твоему́.

Канон, Песнь 1

Кано́н предпразднства Рождества́ Христо́ва. Глас 4. На 3.

Ирмос, глас 4: Триста́ты кре́пкия,/ рожде́йся от Де́вы,/ безстра́стия во глубине́/ души́ трича́стное пото́пи, молю́ся:/ да Тебе́, я́ко в тимпа́не,/ во умерщвле́нии телесе́// победное воспою́ пение.

Катавасия

Глас 1: Христос ражда́ется – сла́вите!/ Христос с Небес – сря́щите!/ Христос на земли́ – возно́ситесь!/ По́йте Го́сподеви, вся земля́,/ и веселием воспо́йте, лю́дие,// я́ко просла́вися.

3 января, предпраздн РХ, святитель Петр Московский

Песнь 3

Канон предпразднства Рождества Христова. Глас 4. На 3.

Ирмос, глас 4: Яко неплоды роди от язык Церковь,/ и многое в чадах изнеможе сонмище,/ чудному Богу нашему возопийм:// Свят еси, Господи.

Катавасия

Глас 1: Прежде век от Отца рожденному нетленно Сыну/ и в последняя от Девы/ воплощенному безсеменно,/ Христу Богу возопийм:// вознесый рог наш,// Свят еси, Господи.

Песнь 4

Канон предпразднства Рождества Христова. Глас 4. На 3.

Ирмос, глас 4: Седяй в Славе на Престоле Божества/ во облаце легце,/ прииде Иисус Пребожественный/ Нетленною Дланию и спасе зовущия:// слава, Христе, силе Твоей.

Катавасия

Глас 1: Жезл из корене Иессеова/ и цвет от него, Христе,/ от Девы прозябл еси,/ из горы, Хвальный,/ приосененныя чащи/ пришел еси, воплощся/ от Неискусомужныя, Невещественный и Боже:// Слава силе Твоей, Господи.

Песнь 5

Канон предпразднства Рождества Христова. Глас 4. На 3.

Ирмос, глас 4: Нечестивии не узрят славы Твоея, Христе,/ но мы Тя, Единородне,/ Отеческия славы сияние Божества,/ от нощи утренююще,// воспеваем Тя, Человеколюбче.

Катавасия

Глас 1: Бог Сый міра, Отец щедрот,/ Великаго Совета Твоего Ангела,/ мир подаваяща, послал еси нам;/ тем, Богоразумия к свету наставляшесе,/ от нощи утренююще,// славословим Тя, Человеколюбче.

Песнь 6

Канон предпразднства Рождества Христова. Глас 4. На 3.

Ирмос, глас 4: Приидох во глубины морския,/ и потопила мя есть буря многих грехов,// но, яко Бог, из глубины возведи живот мой, Многомилостиве.

Катавасия

Глас 1: Из утробы Иону младенца изблева морской зверь,/ якова прият;/ в Деву же всельшееся Слово/ и плоть приемшее пройде, сохраншее нетленну:/ Егоже бо не пострада истления,// Родшую сохрани неврежденну.

Песнь 7

Канон предпразднства Рождества Христова. Глас 4. На 3.

Ирмос, глас 4: Юноши три в Вавилоне,/ веление мучителево на буйство предложше,/ посреде пламене вопияху:/ благословен еси, Господи,// Боже отец наших.

Катавасия

Глас 1: Отроцы, благочестию совоспитани,/ злочестиваго веления небрегше,/ огненнаго прещения не убояшася,/ но, посреде пламене стояще, пояху:// отцев Боже, благословен еси.

Песнь 8

Канон предпразднства Рождества Христова. Глас 4. На 3.

Ирмос, глас 4: Избавителю всех, Всесильне,/ посреде пламене
благочествовавшия,/ снизшед, оросил еси/ и научил еси пети:// вся
дела, благословите, пойте Господа.

Катавасия

Глас 1: Чуда преестественнаго/ росодательная изобрази пещь
образ:/ не бо, яже прият, палит юныя,/ яко ниже огонь Божества Де-
вы,/ в Нюже вниде утробу./ Тем, воспевающе, воспоем:/ да благо-
словит тварь вся Господа// и превозносит во вся веки.

Песнь 9

Канон предпразднства Рождества Христова. Глас 4. На 3.

Ирмос, глас 4: Ева убо недугом преслушания/ клятву вселила
есть;/ Ты же, Дево Богородице,/ прозябением чревоношения миро-
ви Благословение процвела еси:// Тем Тя вси величаем.

Катавасия

Глас 1: Таинство странное вижу и преславное:/ Небо – вертеп,
Престол Херувимский – Деву,/ ясли – вместилище,/ в нихже возле-
же Невместимый – Христос Бог,// Егоже, воспевающе, величаем.

Стихиры на хвалитях

Канонарх: Глас 6, Всякое дыханье да хвалит Господа.

Всякое дыханье да хвалит Господа./ Хвалите Господа с Небес,
хвалите Его в вышних:// Тебе подобает песнь Богу.

Хвалите Его, вси Ангели Его,/ хвалите Его, вся Силы Его:// Тебе
подобает песнь Богу.

Предпразднство Рождества Христова на 2

Стих: На 4: Хвалите Его на силах Его, /
хвалите Его по множеству величества Его.

Содетельная ныне предгрядет Премудрость:/ пророчестии отвер-
заются облацы,/ благодать процветает,/ истина возсия;/ престают
гадания сеновная,/ Едема отверзется дверь./ Адаме, ликуй,/ Со-
здатель Бог наш// вольно создася.

Стих: Хвалите Его во гласе трубнем, /
хвалите Его во псалтири и гуслах.

Речения исполняя пророческая и видения,/ раждается плотию/ и
одебелевает Слово/ и в яслех безсловесных, родився, возлегает./
Сие крайнее низхождение,/ сие страшное смотрение,/ егоже ради
поём:/ Царь Израилев,// Христос приходит.

свт. Петра, митрополита Московскаго, всея Руси чудотворца на 2

Глас 8. Стих: Хвалите Его в тимпане и лице, /
хвалите Его во струнах и органе.

Преподобне отче Петре,/ ты еще во утробе матери/ святительства
прозвание приял еси,/ нареченное от Бога./ Ты измлада Христа
возлюбил еси,/ прием от Него паству словесных овец,/ добре пасл
еси Церковь Божию./ Тем твоё празднуем успение// и, радуящися,
Христа величаем.

Стих: Хвалите Его в кимвалех доброгласных, хвалите Его в кимвалех воскли-
цания. /

Всякое дыхание да хвалит Господа.

Преподобне отче Петре,/ ты еще во утробе матери/ святительства
прозвание приял еси,/ нареченное от Бога./ Ты измлада Христа

возлюбил еси,/ прием от Него паству словесных овец,/ добре пасл еси Церковь Божию./ Тем твоё празднуем успение// и, радуящися, Христа величаем.

Слава, глас 6:

Слава Отцу, и Сыну, и Святому Духу.

Всяк град и страна,/ славному граду нашему Москве, радуйтесе, спразднующе днесь:/ дивный бо врач и спаситель наш великий Петр/ Небеснаго врачевства лечбы предлагает нам,/ к безмездным лечбам своим вся любезно созва,/ не хитростью человеческими, ни обвязаньями,/ но действием Святаго Духа/ душевное и телесное исцеление преестественное подавая,/ еже приемлюще обильне,/ род всяк и возраст, славим Христа Бога,/ подающего ради угодника Своего// того воспевающим велию милость.

И ныне, глас 6:

И ныне, и присно, и во веки веков. Аминь.

Волхва Валаама проречения/ исполнение приемлют:/ персидскими бо чудесы облияни бывше,/ звезды необычныя осиянием,/ незаходямаго Солнца Христа осияни бывше,/ в Вифлееме воплощеннаго Бога Царя// и вольнаго Мертвеца дарми назнаменают.

Тропари в конец Утрени

Тропарь свт. Петра, митрополита Московскаго, глас 4

Яже прежде бесплодная, земле, ныне веселися:/ се бо Христос светильника в тебе показа,/ яже сияюща в мире/ и исцелевающа недуги и болезни наша./ Сего ради ликуй и веселися со дерзновением:/ святитель бо есть Вышняго,// сия соделоваяй.

Сла́ва Отцу́, и Сы́ну, и Свято́му Ду́ху, и ны́не, и прѣсно, и во ве́ки веко́в. Ами́нь.

Тропа́рь предпра́зднства Рожде́ства Христо́ва, глас 4

Гото́вися, Вифле́еме,/ отве́рзися всем, Еде́ме,/ красу́йся, Евфра́фо,/ я́ко дре́во живото́а в верте́пе процветé от Дéвы:/ рай бо О́ноя чре́во яви́ся мýсленный,/ в нёмже Божéственный сад,/ от него́же я́дше, жи́ви бу́дем,/ не я́коже Ада́м у́мрем.// Христо́с ражда́ется прѣ́жде па́дший возста́вити о́браз.

1-й час

Тропари

Гото́вися, Вифле́еме,/ отве́рзися всем, Еде́ме,/ красу́йся, Евфра́фо,/ я́ко дре́во живото́а в верте́пе процветé от Дéвы:/ рай бо О́ноя чре́во яви́ся мýсленный,/ в нёмже Божéственный сад,/ от него́же я́дше, жи́ви бу́дем,/ не я́коже Ада́м у́мрем./ Христо́с ражда́ется прѣ́жде па́дший возста́вити о́браз.

Сла́ва Отцу́, и Сы́ну, и Свято́му Ду́ху.

Я́же прѣ́жде беспло́дная, землѣ, ны́не весели́ся:/ се бо Христо́с свети́льника в тебѣ показа́,/ я́ве сия́юща в ми́ре/ и исцелéвающа недúги и болéзни на́ша./ Сего́ ра́ди лику́й и весели́ся со дерзнове́нием:/ святитель бо есть Вы́шняго,/ сия́ соде́ловаяй.

Конда́к предпра́зднства Рожде́ства Христо́ва, глас 2

В Вифле́еме зря́ще пелена́ми повива́емаго,/ всю зéмлю держа́ща руко́ю Своёю,/ предпра́зднственныя пѣсни Ро́ждшей Сего́ прино́сим:/ ма́терски бо веселѣ́тся, держа́щи в недрах Сы́на Бо́жия.